

## Сайёр қабул бу сафар Нукус шаҳрида

Ўзбекистон Республикаси Вазирлар Маҳкамасининг 2014 йил 3 декабрдаги «Жисмоний ва юридик шахсларнинг мурожаатлари тўғрисида»ги ЎРК-378-сонли конуни ижроси юзасидан Ўзбекистон автомобиль ва дарё транспорти агентлиги бошлиғи В.Исмоиловнинг Қорақалпоғистон Республикаси ҳудудида рўйхатдан ўтган юқ ва йўловчи ташиш фаолияти билан шуғулланувчи корхоналар раҳбарларининг сайёр қабули 5 апрель куни Нукус шаҳрида бўлиб ўтди.

Кун тартибидаги масала юзасидан Ўзбекистон автомобиль ва дарё транспорти агентлиги раҳбари В.Исмоилов сўзга чиқиб, Ўзбекистон Республикаси Президентининг 2017 йил 10 январдаги «Аҳолига транспорт хизмати кўрсатиш ҳамда шаҳарлар ва қишлоқларда автобусларда йўловчилар ташиш тизимини янада такомиллаштириш чора-тадбирлари тўғрисида»ги ПҚ-2724-сон қароридан сўз очиб, ушбу қарор ижроси доирасида Қорақалпоғистон Республикасида амалга оширилиши кўзда тутилган ишлар, жумладан, Қорақалпоғистон Республикаси вилоят аҳолиси учун янги автобус ва микроавтобуслар харид қилиш, янги автостанция қурилиши, янги йўналишларни очиш, йўловчи ташиш транспортида йўлкирани нақд пулсиз тўлаш тизимини жорий этиш каби вазифаларга бирма-бир тўхталиб ўтди.

Қабулда иштирок этаётган ташувчи корхона ва ташкилот раҳбарлари ўзларининг қизиқтирган ва фаолиятлари жараёнидаги муаммо ва таклифларини билдирилар.

Жумладан, “Фортуна транс” МЧЖ раҳбари Ж.Низамаддинов, бугунги қунда автотранспорт воситаларини қундалик техник ва ҳайдовчиларни тиббий кўриқдан ўтказиш, автотранспорт воситаларини таъмирлаш ва сақлаш учун Агентликга ер майдони ажратиш бўйича хат берган ганликларини ҳамда унинг ижобий тарзда ижросини таъминлашни, “Мир-Адил Халқабад” МЧЖ раҳбари Б.Аузов, Нукус шаҳрида ёнилғи (солярка) масаласи қийин, фонд йўқ бўлганлиги сабабли сотиб юборганликларини, ёнилғига фонд олишда ёрдам беришларини, «Жетписбай транс» МЧЖ раҳбари Б.Матрзаев, корхонасида б дона “Исузу” автобуси борлиги, яна 3 дона NC-40 маркали автобус олишга банкдан кредит чиқаришини, лекин “Сам Авто” МЧЖнинг Нукус шаҳридаги дилери шартнома бермаётганлигини ва шартнома олишда амалий ёрдам беришларини сўради.

Сайёр қабулда яна «Мир-Адил халқабад» МЧЖ раҳбари Б.Аузов, шаҳар ичida автобус ва микроавтобусларнинг тарифини кўтариш бўйича амалий ёрдам кўрсатилишини, «Байрамат транс Нукус» МЧЖ раҳбари Р.Сулайманов, Нукус шаҳрини ривожлантириш бўйича Дастур ишланиб чиқилган эди, давлат божидан тушадиган 25 фоизни Нукус шаҳридаги автотранспорт соҳасини ривожлантиришга ишлатса бўладими деган саволлар билан мурожаат қилдилар.

Агентлик бошлиғи барча саволларга батафсил жавоб берди, қатор масалалар шу ернинг ўзида хал этилди. Ҳудудий бўлимнинг ваколатлари доирасида ечим топиш мумкин бўлган масалалар юзасидан бўлим мутасаддиларига вазифалар топширилди. Республика миқёсидаги бошка ташкилот ва муассасалар ёрдамида бартараф этиладиган муаммоларга доир барча саволларни эса В. Исмоилов алоҳида белгилаб олиб, ўрнатилган тартибда кўмаклашишга ваъда берди.

Қабул якунида бу каби учрашувлар келгусида ҳам мунтазам равища ташкил этилиши, шунингдек ташувчилар ўз муаммо ва таклифлари юзасидан Ўзбекистон автомобиль ва дарё транспорти агентлигининг 202-22-55 рақамли “ишонч телефони”, “Агентлик бошлигининг виртуал қабулхонаси” ва Ягона интерактив давлат хизматлари портали орқали мурожаат қилишлари мумкинлиги яна бир карра эслатиб ўтилди.

Ўзбекистон автомобиль ва дарё транспорти агентлиги Ахборот хизмати